

2013-10

紫

釵

記

下

卷一

一

二

三

四

五

六

七

柳浪館批評玉茗堂紫釵記目錄

卷下

第三十一齣

避暑

第三十二齣

計局

第三十三齣

巧夕

第三十四齣

邊愁

第三十五齣

還朝

第三十六齣


銀屏

第三十七齣

移鎮

第三十八齣

謠傳



第三十九齣

裁詩

第四十齣

泣玉

第四十一齣

勸贅

第四十二齣

強婚

第四十三齣

緩婚

第四十四齣

賣釵

第四十五齣

傷感

第四十六齣

哭釵

第四十七齣

怨撒

第四十八齣

醉俠

第四十九齣

圓夢

第五十齣

玩釵

第五十一齣

遇俠

第五十二齣

釵圓

第五十三齣

宣恩

柳浪館批評玉茗堂紫釵記卷下



第三十一齣

西地錦

劉上

西地涼州無暑有中天永雪樓居一時勝

事誇河朔看他小飲如無

一落索畫戟垂楊吹幕府臺館新成燕雀窺簷語珠
簾暮涼州唱徹人無暑○參佐風流時一聚閒學如
才鸚鵡雨洗燕支路且須高宴凝歌舞俺劉公濟鎮
守關西李君虞參吾軍事可謂翩翩記室且喜征塵
路淨避暑筵開近報得河西納款早則喜也內作樂

科

番卜算生上六月罷西征燕幙風微度雅歌金管按投

壺將軍多禮數

相見科劉避暑新成百天臺生軍中高宴管絃催劉

知君不少登樓賦生正爾初逢袁紹杯劉參軍俺二

人以八拜之交同三軍之事西事匆匆未遑高宴今

茲天氣炎暑小飲涼臺左右看酒堂侯上臺高欲下

陰山雪盡永堪銷淡水香酒到

惜奴嬌劉萬里長驅喜軍中高宴正屬吾徒邊塵靜日

永放衙休務正午槐展油幢苔臥沈槍花催羯鼓難度

六月裡染征雲怎不向吹臺歌呼

前腔生男兒坐擁銅符喜綉旗風偃畫檠雲舒涼州路
日遠炎蒸不住正爾羽扇綸巾據床清嘯圍碁賭墅凝
佇看燕寢恁幽香時裊碧窻烟霧

卒捧酒甕上水色清浮竹葉霧華香沁葡萄稟老爺
酒泉郡獻大河西國葡萄酒劉此酒參軍之功也堂

侯行酒

鬪寶蟾劉香浮頓遜醞醑鎮葡萄亂潰鴨頭新綠也索
向酒泉移封把涼州換取生清醕想一年風色阻千日
凍花敷暈珍珠醅盡酸甜留下水晶天乳

卒捧瓜上北斗高如南斗西瓜大似東瓜稟老爺瓜

州獻小河西國鎮心瓜劉此亦參軍之功也堂侯進

瓜

前腔劉清虛永井沈餘等半輪青破一襟涼貯鎮紫瓢
浮動素津流注生永飭甘垂承掌露寒濺泣盤珠沁肌
膚迸玉綻紅跳顯出個人風度

劉好上望京樓一望也生望京有甚好處

錦衣香劉關樹鋪濃陰護水萍紆微風度飛樓外望京
何處生怕乘鸞烟去鳳臺孤邊聲似楚雲影留吳據胡
床三弄影扶疎嘯欹樓柱聽胡笳悲切訴似訴年光流
欲去正遶鵲休枝驚蟬墜露

漿水令合家何在畫屏烟樹人一天關山夢餘研光盃
影醉蟾蜍便待敲殘玉唾擊碎珊瑚心未慙髻先素漫
尋河影斷長安路樽俎內樽俎內風雲才聚旗門外旗
門外河漢星疎

尾聲

劉

參軍呵和咱沈李浮瓜興不俗你要受降城也

早則秋風別哨關南路則怕你要喻檄還朝賦子虛

生

下官感公侯知遇口占一詩劉笑云請教生吟科

日日醉涼州

笙歌卒未休

感恩知有地

不上望京樓

第三十二齣

夜行船盧上一品當朝橫玉帶嫵連外戚勢遊中貴世
事推呆人情起賽可嗔那書生無賴

兵權掌握勢爲尊奉詔移軍鎮孟門獨倚文章傲朝
貴賈生空遇聖明君自家盧太尉三年前因李益恃
才氣高計遣參軍西塞聽見李生有詩獻劉鎮帥感
思知有地不上望京樓卽當奏知怨望朝廷只是一
件咱方奉命把守河陽孟門山外召回劉節鎮暫掌
殿前諸軍咱將計就計今早奏准聖人加李君虞秘
書郎改參孟門軍事不必過家看他到咱軍中情意
如何招他爲壻如再不從奏他怨望未晚已遣人請

他朋友京兆人韋夏卿商量早來也韋上

薄倖暑色初分秋聲一派看長安馳道秋風冠蓋天涯
有客幾時能會俺消停處見畫檠朱門橋外好參謁中
朝太尉

見科盧好客勞西笑韋人雄鎮北軍盧折簡求二三益

韋旌旄謁使君盧韋先生你是李君虞好友俺今移

鎮孟門奏改他參吾軍事可好麼韋李君虞二年在

邊資當內轉今又參卿軍事恐非文人所堪盧他有

詩劉鎮帥怨望朝廷又何必強他入朝咱招賢館勝

如望京樓也

鑼鼓令盧他朝中文章後輩曾喜他相見只尋常到來
知他性兒那些韋都是些少年情態怎知的千金
賦今人不買枉了筆生災題鸚鵡教誰喝采盧咱無文
的太尉何禁恠只可惜賈長沙干死了洛陽才合他鄉
歲月遠水樓臺今朝領旨知他便回相逢到此好佳懷
秋江寂寞也自放花開

前腔盧當初也浪猜咱移軍把着孟門去來參軍事請
他優待韋文章士自有廟堂除拜作參軍知幾載盧孟

門喜非邊塞也韋便做道非邊塞曾如站立在白玉
階盧咱軍容將禮好不雄哉早難道古來書記都不是

翰林木

合前

韋既將軍厚待李君虞自有國士之報小生告行

餘文韋爲交情一笑來盧須知吾意亦憐才韋先生休道俺少禮數的將軍做不得招賢宰

韋下盧弔場云可笑可笑韋生豈知俺計也侯旨官

兒怎的不見到來堂候上微聞禁漏穿花遠獨詔邊

機出殿遲稟爺聖旨已下李益以秘書郎改叅孟門

軍事即日離鎮不許過家盧笑科云書記在五畝算中

矣分付諸軍起行

孟門關外擁貔貅

打鳳撈龍意不休

但得他來府門下

那時誰敢不低頭

第三十三齣

念奴嬌序旦同浣上梧桐乍雨正碧天秋色霧華烟暝
浴罷晚粧凝望立簾漾玉鈎風定浣別院吹笙高樓掩
鏡泛灩銀河影合幽期無限佩環聲裡人靜

臨江仙旦炎光初洗輕塵雨飛星寄恨迢迢浣金風
玉露翠華搖暫停鮫泣翠相看鵲填橋旦占得歡娛
今夜好一年幽恨平消浣綵樓人語暗香飄合不知
誰得巧空度可憐宵旦浣紗今當七月七夕織女渡
河香燭瓜果已備樓中去請老夫人鮑四娘同會綵

筵可早到也老旦上

似娘兒閨閣露華零感佳期愁絕惺惺聽機中織女啼
紅迸望牽郎河漢烏飛涼夜髻染秋星

兒請俺怎的旦母親萬福今逢巧夕請母親同鮑四
娘消遣一回老鮑四娘可待來麼

遶地遊鮑上綵樓清迴燭閃紅粧靚笑年年乞巧誰賸

見科鄭夫人郡主萬福今夕香燭果筵莫非穿鍼故
事乎老咱老人家乞巧何用正爲兒女相邀四娘同
此鮑從來乞巧凡有私願只許在心不許出口但看
蟾子綵盤便是人間巧到老夫人你我心中暗祝同

拜雙星便了拜科烏鵲橋成上界通千秋靈會此宵
同綵盤花閣無窮意只在遊絲一縷中老此夕真佳
景也

念奴嬌人間天上數佳期新近秋容太液波澄院宇黃
昏河正上幾看清淺閒庭輝映雲母屏開水晶簾捲月
微風細淡烟景合同看取千門影裡誰似雙星

前腔旦河影層波夜炯怕空濛霧染機絲翠花寒凝一
水仙郎遙望處脉脉此情誰證合幸喜極慵粧歡來罷
纖倚星眸曾傍暗河行合前

前腔鮑還倩那些縹緲銀鸞參差烏鵲斷虹低處翠橋